

Sumáriu aktividade assisténsia legál períodu fulan Jullu 2022

Intrudusaun

Iha períodu fulan Jullu 2022, JSMP liuhusi Unidade Apoia ba Vítima kontinua fó assisténsia legál ba vítima feto no labarik iha Munisípiu sira mak hanesan Munisípiu, Dili, Ermera, Likisá, Bobonaro no Vikeke no iha deit kazu 5 iha Munisípiu Dili no Ermera.

Atividade assisténsia legál

Husi aktividade assisténsial legál iha períodu fulan Jullu 2022 ne'e, JSMP konsege fó assisténsia legal ba kazu envolve vítima feto no labarik hamutuk kazu lima (5), husi kazu 5 ne'e, kazu krime hat (4) no kazu sivíl ida (1), Kazu sira ne'e refere husi VPU Munisípiu Dili kazu hat (4) no Munisípiu Ermera kazu 1. Entertantu Munisípiu sira seluk JSMP la konsege hetan kazu.

Husi totál kazu sira iha leten, kazu krime hat (4) JSMP refere ona ba PRADET hodi halo ezaminasaun médiku no hafoin halo ezaminasaun ba vítima sira, vítima sira decide fila ba uma no kazu ida (1) JSMP refere ba Ministériu Justisa dirasaun Notariadu hodi trata vítima nia sertidaun RDTL.

Tuir mai dados kompletu ba kazu sira ne'ebé durante fulan Jullu JSMP fó assisténsia legál.

Tabela 1 : Totál kazu assisténsia legál Jullu 2022

Tipu kazu	Bobonaru	Dili	Ermera	Likisá	Vikeke	Totál
Vítima VBJ	0	4	1	0	0	5

Kazu vítima violénsia bazeia ba jéneru




Tabela 2 : Tipu kazu asisténsia legál Jullu 2022

Tipu kazu	Númeru
Ofensa ba integridade física simples	1
Aktu seksuál ho adolexente	2
Ezersísiu podér paternál	1
Abuzu seksuál ba menór	1
Totál	5

Tipu kazu violénsia bazeia ba jéneru




Tabela 3 : Tipu kazu no estatus kazu asisténsia legál Jullu 2022

Tipu kazu	Fatin refere	Númeru
Ofensa ba integridade física simples	PRADET no Fila ba uma	1
Aktu seksuál ho adolexente	PRADET no Fila ba uma	2
Ezersísiu podér paternál	Trata hela dokumentu iha MJ	1
Abuzu seksuál ba menór	Pradet no Fila ba uma	1
Totál		5

Konkluzau

Durante períodu fulan Jullu 2022 ne'e, JSMP fó asisténsia legál ba vítima sira ba kazu krime hamutuk hat (4) no kazu sivíl ida (1). Kazu sira ne'ebé JSMP fó asisténsia atraves hetan kontaktu husi VPU sira iha Munisípiu Dili no Ermera.

Husi totál kazu sira iha leten, kazu krime hat (4), JSMP akompaña no refere ona ba PRADET hodi halo ezaminasaun médiku no hafoin halo ezaminasaun, vítima sira

deside fila ba sira nia uma no kazu sivíl ida JSMP trata hela sertidaun RDTL vítima sira nian iha Rezistu Sivil.

Atu hetan informasaun kompleitu, favór kontaktu:

Ana Paula Marçal

Diretora Ezekutiva JSMP

Diresaun e-mail: ana@jsmp.tl

Telefone: (+670) 33238883 | 77040735

Website: <https://jsmp.tl>

info@jsmp.tl